



COMUNU DE CABUDERRA

Tzitadi Metropolitana de Casteddu

DELIBERATZIONI DE SU Consillu COMUNALI N. 06 DE SU 17/02/2023

OGETU: *ISTITUTZIONI DE SA CONSULTA COMUNALI PO S' AGRICOLTURA (MESSARJA).*

S' annu 2023, su 17 de su mesi di Friàrgiu a ora de is 10.00, in sa sala de is adunàntzias, s' est atobiau su Consillu Comunali in setziada Straordinària de Primu cunvocatzioni.

Sangunau e Nòmini

Garau Beniamino
Cabras Silvia
Caruso Luigi
Congiu Francesco
Corda Silvano
Coronas Maria Lucia
Cugis Erica
Demuru Efisio
Dessi Francesco
Dessi Giuseppe
Frau Luigi
Lilliu Susanna
Magi Francesco
Marras Gianluigi
Melis Carla
Meloni Gavino
Nasca Michele
Piano Stefano
Piga Beniamino
Puddu Maria Bernadette
Serreli Rita

Presenti

Eja
Eja
Eja
Eja
Eja
Eja
Eja
Eja
Eja
Eja
No
Eja
Eja
Eja
Eja
No
Eja
Eja
Eja
Eja
Eja
Eja
Eja

Presentis: 19

Ausentis: 2

Pigant parti a s'atòbiu is assessoris comunali: Frongia Pietro, Garone Katuscia, Solinas Marco;

Pigant parti a sa setziada su Segretàriu Generali Sa Dotora Felicina Deplano;

Su Visu Presidenti de su Consillu, Piano Stefano, de chi at averiguau ca su nùmeru de is presentis est cunforma a sa lei, de crarat aberta sa setziada.

Su Presidenti de su Consillu Stefano Piano presentat s' argumentu ainturu de s'agenda de is traballus po sa dii cun ogetu: "ISTITUTZIONI DE SA CONSULTA COMUNALI PO S' AGRICOLTURA";

Acrarat sa proposta in ogetu Su Sindigu;

Ndi bessit su Cons. Dessì F.

Su Presidenti de su Consillu proponit a is Presidentis de is Cumissionis Consiliaris de cumpetèntzia de espressai su parri insoru;

Sa Consillera Cugis E., in calidadi de Presidenti de sa 1 Cumissioni "Afàrius Istitutzionalis" narat: sa Cumissioni, po su chi pertocat su Regulamentu, at nau: is Consilleris Serreli, Marras e Meloni funt a favori, su Cons. Demuru bolit espressai su parri cosa sua in àula. Apu presentau is chi po mei funt fartas ainturu de su Regulamentu etotu, chi no ddas ant arricidas e po custu emu a bolli decrarai su votu cosa mia, chi est de astensionis;

Ndi bessit su Cons. Corda S.

Su Cons. Meloni in calidadi de Presidenti de sa de 7 Cumissionis "Atividadis Productivas", narat ca is cumponentis de sa Cumissioni etotu ant espressau parri a favori;

Su Presidenti de su Consillu decrarat chi s' arrexonada est aberta;

Interventu de Su Cons. Piga.

Torrat in àula su Cons. Corda.

Interventu de su Cons. Magi.

Ndi bessit de s' àula su Cons. Corda S.

Interventu de su Cons. Demuru E.

Su Presidenti de su Consillu fait votai is emendamentus;

Su Cons. Piga ligit cada emendamentu presentau:

Emendamentu art. 1) "sa Consulta est un' òrganu consultivu de su Consillu Comunali, traballat paris cun su Consillu Comunali, is Cumissionis Consiliaris, su Sindigu, sa Giunta Comunali e s' Assessori de Cumpetèntzia cunforma a s' art. 6 de su Statutu Comunali.

Consilleris presentis: n. 17

Votus a favori: n. 3 (Piano S, Cugis E; Piga B)

Votus contras: n. 13

Si ndi funt aostaus: n.1 Demuru E

Intrat in àula su Cons. Corda S;

Emendamentu art. 3) Su Presidenti s'eligit cun majoria assoluta de is cumponentis, in s'in casu de paridadi s' eligit su cumponenti prus antzianu.

Consilleris presentis: n. 18

Votus a favori: n.4 (Piano S, Cugis E; Piga B; Corda S)

Votus contras: n.13

Si ndi funt aostaus: n.1 Demuru

Emendamentu art. 3) cumponentis – de u emu a ai aciuntu duus cumponentis de su Consillu Comunali, unu de majoria e unu de minorja“ .

Consilleris presentis. n. 18

Votus a favori: n. 5 (Piano S, Cugis E; Piga B; Corda S; Demuru E)

Votus contras: n. 13

Si ndi funt aostaus: n. 04

Emendamentu art. 3) is cumponentis de sa Consulta a s'ampasa de is cumponentis de sa Cumissioni comunicatzioni scheta, no emendamentu.

Emendamentu art. 3) sa nòmina de is cumponentis de sa Consulta si disponit cun deliberatzioni de Giunta comunali e agoa si comùnecat a su Consillu Comunali (deu nd' emu a bogai custa parti ca sa nòmina no est de sa Giunta Comunali).

Intrat in àula su Cons. Dessì F

Consilleris presentis: n. 19

Votus a favori: n. 5 (Piano S, Cugis E; Piga B; Corda S, Dessì F.)

Votus contras: n. 13

Si ndi funt aostaus: n. 1 Demuru E.

Emendamentu art. 5) *Sa consulta s' atòbiat in sa domu comunali* – (de ndi ddu bogai, po mori de oportunitadis parivilis cun is àteras Consultas):

Consilleris presentis: n. 19

Votus a favori: n.3 (Cons. Piga B; Corda S; Dessì F)

Votus contras: n.13

Si ndi funt aostaus: n. 3 (Cons. Piano S; Cugis E, Demuru E)

Su Presidenti de su Consillu fait votai su Regulamentu;

Is Consilleris Piga B, Dessì F. Corda S, ndi bessint de s'aula;

SU CONSILLU COMUNALI

Ca:

- is "Linias programaticas de mandau", presentadas a su Consillu Comunali in sa setziada de su 20.12.2021 decrarant s' impinnu de s' Aministrazzioni a traballai paris cun is setoris econòmicus e produtivus in s' anàlisi de su cuntestu produtivu de su territòriu;

Postu chi s' Aministrazzioni bolit promovi totu is initziativas po s'afortiamentu de sa messarja;

Postu chi s' istituzzioni de sa "Consulta Comunali po s' Agricultura", chi nci pigat parti a manera dereta totu sa categoria, at a podi presentai propositas e cunsiderus a s' Aministrazzioni comunali;

Sendi chi s' istituzzioni e su funtzionamentu de sa Consulta no ocasionat gastus po s' Enti;

Arriciu, cunforma a s' art. 49 de su D. Lgs. 267/2000 parri a favori de regularidadi tècnica;

Biu su Statutu Comunali;

Biu su Regulamentu de Funtzionamentu de su Consillu Comunali;

Su Presidenti, paris cun s'agiudu de is scrutadoris nominaus, fait votai sa chistioni;

Consilleris presentis n.16

Votus a favori n. 14

Si ndi funt aostaus n. 2 (Piano S. e Cugis E.)

Biu s'èsitu de sa votazioni,

DELÌBERAT

S' istituzzioni de sa Consulta comunali po s' Agricultura;

De aprovai su “Reglamentu po su funtzionamentu de sa Consulta comunali po s’ agricultura (messarja)” in allegau a custu documentu etotu;

De donai atu ca is cumponentis de sa Consulta pigant parti a is setziadas suas sena deretu a cumpensu perunu ni a rembursus de is gastus.
